



Kalaallit Nunaata eqqaani imartani aningaasaqarnikkut immikkut oqartussaaffigisani avatangiisit illersorneqarnissaat pillugu inatsisip allangortinneqarneranik inatsisissatut siunnersuummik Namminersornerullutik Oqartussat ilaliinissaat pillugu Inatsisartut aalajangiiffigisassaattut siunnersuut.
(Nunalerinermut, Imminut Pilersornermut, Nukissiutinut Avatangiisinullu Naalakkersuisoq)
(Siullermeerneqarnera)

Demokraatit kissaatigaat, uagut Kalaallit Nunaanni nunarsuarmi minguinnerulernissamut attassinnaanerusumillu inuunissamut qulakkeerinneqataanissarput.

Tamanna tunngavigalugu UKA 2021-imi MARPOL-isumaqatigiissutimmi ilanngussaq normu 6-sip akuerineqarnissaanut tapersersuisimavugut, taamaasiornitsigut mingutitsisunik aniatitsinernut soorlu ilaatigut umiarsuarniit ikuallassaatinik aniatitsinerup annikillineqarnissaa qulakkeeqataaffigisinnaagatsigu. Tamanna soorunami silaannarmut, silap pissusaanut aammalu innuttaasut peqqinnerannut iluaqutaasussamik.

Una siunnersuut UKA 2021-mi isummernerup piviusunngortitseqataassaaq, taamaattumillu soorunalimi siunnersuut taperserparput, akuerineqartussatullu innersuussutigalugu ataatsimiitaliami attuumassuteqartumi suliareqqinneqarnissaa innersuussutigalugu.